



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicoꝝ Per Germaniam, Belgivm,
Galliam, Hispaniam, Italiam, Aliasqve Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Capvt LXXIV.

urn:nbn:de:hbz:466:1-11227

CAPVT LXXIV.

MACHLINIENSE CANONICORVM

*Sancti Rumoldi Collegium Metropolitanum
in Belgio.*

DE Canonicoꝝ apud Brabantos collegijs dicturi, Machliniensi, vt Metropolitanano, iure primas dabimus: quæ quidem prouincia etsi proprie non sit ditionis Brabantinæ, visceribus tamen illius includitur.

Ioannes Molanus, doctor Theologus Louaniensis, & Belgicæ antiquitatis Ecclesiæ peritissimus, primum collegij huius Machliniani auctorem fuisse scribit *Beatum Rumoldum* Episcopum Dublinensem patria Hibernum; Scotoꝝ Regis filium, qui in tractu isto Euangelicam doctrinam prædicans, ab impijs anno Christi 1000. LXXV. cæsus Martyr occubuit. Ipsum Molanum loquen-

*In Nat. Belgij
l. Iulij.
De gestis Francorū
lib. 5.*

tem audiamus: *Beati Rumoldi opus est Monasterium apud Malinas. Qui locus quantumuis à Nordmannis esset vastatus, tam celebris antiquitas fuit, vt connumeretur in portione Caroli, quam de regno Lotharij in diuisione cum fratre suo Ludouico factâ accepit.*

Fuit autem ab initio foundationis non monachorum sed Canonicoꝝ monasterium. Quomodo in Chronicis Cameracensibus ante annos ferè sexcentos conscriptis nominatur. Quæ autem phrasi Canonico-

nonico-

nonicorum collegia dici soleant monasteria in primo libro de Canonicis à nobis est explicatum.

Situm erat in pratis intra vltimos, sed paulatim Mechlinia ex parua vrbe trans Dilrana adeò excreuit, vt nunc Collegium Sancti Rumoldi in meditullio vrbis situm sit, & à Paulo quarto P. M. erectum est in primam archicathedralem Belgij Ecclesiam.

In cæmeterio huius Ecclesie situm erat oratoriũ siue Sacellum à D. Rumoldo constructum, in quo is frequenter meditari solebat. Quod cum in summa apud plebem Mechliniensem veneratione esset, fidei hostes, qui sibi Geusiorum nomèn sumpserunt, funditus cum multis alijs sacris locis euerterunt.

Ab iisdem, dum ex improviso urbem occuparunt, inuentum est in medio Ecclesie corpus, sancti Rumoldi, & fœdissimè conculcatum & dispersum, Dei tamen benignitate caput ex cranij cicatrice notum, ope Virginis est conseruatum.

Perijt etiam feretrum eius. siquidem cum multis miraculis, & victoria contra hostes clareret; Fullones & textores, eorumq; consortes, anno millesimo trecentesimo sexagesimo nono, ob victoriam recenter per eius merita obtentam, ex voto ei construxerunt feretrum, æstimatum in registro ciuitatis, in argento & factura, ad sexaginta sex millia Florenorum, præter gemmas & alia, quæ postea accesserunt. Nouissimè celebre donarium adiecit Margarita, Maximiliani I. Imperatoris filia, Belgij gubernatrix vt feretri valor fuerit vltra vas auri, cum ab hostibus Religionis profanabatur.

Porrà

Post in-
staurauit
Matthias
Houius,
Archie-
piscopus
III. eius
vrbis.

Porro Machliniensis Ciuitas retinet apud Gallos antiquum Malinae nomen. Quae vox Latinis in usu fuit, quando Lira vicinum Brabantiae oppidum Ledo dicebatur. Ledo enim & Malina leguntur pro maris recessu & accessu in appendice ad Tomum tertium Diui Augustini, in libro primo de mirabilibus Sacrae Scripturae. Vnde à maris fluxu haec nomina indita esse, non indocte annotauit Theodoricus Abbas Trudonensis B. Bernardi aetate, cum Sancti Rumoldi vitam meliori stilo conscriberet. Haec tenus Molanus.

De isto Collegio sic breuiter Chronographus Cameracensis, qui ad Gerardum II. Cameracensem Episcopum Chronicon suum scripsit & anno Christi millesimo floruit: Apud Machlinas (sic enim scribit) est monasterium Canonorum, ubi quiescit pretiosus Dei Martyr Rumoldus, genere Scotus, qui vitam Eremiticam ductens inibi Martyrisatus est. Hoc autem Monasterium ab antiquitate constructum regalibus emolumentis maximè augmentatum.

Archiepiscopatum porro Machliniensem anno 1559. Paulus III. Papa instituit, Philippo II. Rege Catholico petente.

Ceterum in Sancti Rumoldi Basilica Machliniensi praebendas, ut vocant, seu portiones Canonicos duodecim instituit Notgerus Leodiensis Episcopus. Fuit enim Machlinia olim, iuris ac ditionis Leodiensis.

SANCTI PETRI COLLEGIUM
Louaniense in Brabantia.

Templum Diui Petri in vrbe media Louanienſi condidit *Lambertus primus* Comes Louanienſis. Idem & Canonicos inſtituit: etſi alij ad filium eius *Lambertum Baldericum* referunt, qui etiam Bruxellæ in B. Gudilæ collocauit. Certè iſte decimas agri Louanienſis ijs legitur adſignaffe. Initio ſeptē fuerunt, ijque fratres primò appellati; mox Domini, ad diſcrimē minorū, qui acceſſerūt. Nā vt erat maiorū pietas, quidam èt è priuatis opes ſuas huc contulerunt, & augendo collegio Canonicatus inſtituerunt. inter quos vnū *Simon Grindelius*, è Patricijs anno CLXIV. & poſt 24. annos alium, *Godefridus* Prætor Vr- bis. Alios deinde (nam ad octodecim perue- nerunt) aut duces ipſi noſtri, aut item ciues. Godefridus quidem primus Dux legitur du- os inſtituiſſe, anno CXL. Sed diſcrimen ta- men erat, vt tetigi: quod illi primi ſeptem o- pibus præminebant, & decimas ſoli poſside- bant; donec anno CCC. XI. ſponte illo- rum, minores in diuiſionem admiſſi, & fic æ- quales omnes facti. Spontè, inquam: & ô miram raramque benignitatem! nam iure laudanda eſt: & hoc æuum, vereor, exempla non donet. Sed hi Canonici: quibus Præpoſi- tus etiam, præter decanum, velut caput præ- eſt,

est, magna dignitas, & olim non nisi in Principum aut procerum filios collata. Notantur rectè ex ducum nostrorum liberis, item è Lucemburgensium, alijsque. adhæret dignitati honos, quòd is à nouo Principe, quoties auspicia imperij suscipit, iuramentum solenniter exigat, capiatque: in quo & Aduocatos se Canonorum Diui Petri fore profitentur. Equum deinde Principis, cui insidit, donatiuum habet: quem tamen olim Cantor vindicabat, & is inter eos fuit. Est nunc in hac dignitate, vir ea & alia dignissimus, Diuus Georgius Austrius: qui ipso nomine inelytum genus prodit, & virtutes pro genere habet. Amorem certè & cultum studiorum que laudatissimi illius Maximiliani Primi nepotem decent.

SANCTI IACOBI COLLEGIVM

Louaniense.

SANCTI IACOBI templum habet collegium Canonorum, sed ex translatione. Primitus enim Dicuriæ in Gallo-Brabantia fuit: agente autem apud Aricolaum Quintium Pontificem Duce nostro *Philippo Bono*, anno CCCCLVI. huc est translatum. Mouit eum, opinor, solitudo aut inopia opidi, sic etiam attollendi: mouit & Academiae adpectus, quam Canonici decorè colerent, & ipsi ab ea excolerentur.

Ita Lipsius in descriptione Louanij.